



## Publicaziuns dalla vischnaunca, jamna 14

### Damondas da baghegiar

#### 2023-1021.000

##### Datum dalla publicaziun: 6 d'avrel 2023

Il patron: Societad semplia Alp Run Mustér, Via Run 6, 7180 Disentis/Mustér  
Intenziun: Sanaziun dil fecler a Val Plattas, nova lingia da drenascha, nova finiastra e niev indrez da fotovoltaic  
Parcella: 2548  
Adressa: Val Plattas, Via Lumpegna 13.1, 7180 Disentis/Mustér  
Zona: Zona agricola  
Zona da prighel: Territori buc intercuretq concernent zonas da prighel

#### 2023-1030.000

##### Datum dalla publicaziun: 6 d'avrel 2023

Il patron: Christian & Maria Gabriela Eberle, Zollikerstrasse 227, 8008 Zürich  
Il representant: Hüs Architektur und Handwerk GmbH, Albulastrasse 29, 7411 Sils im Domleschg  
Intenziun: Sanaziun dalla casa e dil tetg e remplazzament dil scaldament entras ina nova pumpa da calira cun sondas geotermicas  
Edifeci nr. 363A  
Parcella: 35  
Adressa: Via Curtins 7, 7186 Segnas  
Zona: – Zona dil vitg (V)  
– Areal da habitadis protegi generalmein  
– Ulteriurs baghetgs cun prescripziuns da protecziun  
Zona da prighel: Negina

#### 2023-1034.000

##### Datum dalla publicaziun: 6 d'avrel 2023

Il patron: Herbert e Gabriela Büttiker, Im Giger 1B, 8525 Niederneunforn  
Il representant: Herbert e Gabriela Büttiker, Im Giger 1B, 8525 Niederneunforn  
Intenziun: Construcziun d'in paravent sut il balcon, deplazzar e construir in niev esch  
Edifeci nr. 521  
Parcella: 2151  
Adressa: Via Sogn Antoni 32, 7182 Cavardiras  
Zona: – Zona dil vitg (V)  
– Areal da habitadis protegi generalmein  
– Ulteriurs baghetgs cun prescripziuns da protecziun  
Zona da prighel: Negina

#### 2023-1036.000

##### Datum dalla publicaziun: 6 d'avrel 2023

Il patron: Vischnaunca Disentis/Mustér, Via Cons 2, 7180 Disentis/Mustér  
Il representant: ipz ingenieure + planer ag, Via Lucmagn 7, 7180 Disentis/Mustér  
Intenziun: Prolungaziun dil passapei, nova scaffa da repartiziun dalla forza electrica, niev Pumtrack ed adattaziun dall'illuminaziun publica e dalla bandieras e novas petgas pil transparent d'inscripziun sur via cantunala  
Edifeci nr. 805 / 806  
Parcella: 1351  
Adressa: Via Alpsu 51, Fontauna, 7180 Disentis/Mustér  
Zona: – Zona per stabiliments ed indrezs publics  
– Areal da formaziun Acla da Fontauna  
Zona da prighel: Negina



**2023-1040.000**

**Datum dalla publicaziun: 6 d'avrel 2023**

Il patrun: Lorenz & Silvana Fuhrer-Arpagaus, Eggstrasse 34, 8907 Wettswil  
Il representant: Lorenz Fuhrer, Eggstrasse 34, 8907 Wettswil  
Intenziun: Sanaziun energetica dallas fatschadas e dil tetg dalla casa da duas famiglias, nova repartiziun dallas surfatschas da habitar e sanaziun dallas habitaziuns  
Edifeci nr. 223E  
Parcella: 569  
Adressa: Via Run 5, 7180 Disentis/Mustér  
Zona: Zona da habitar 3 (H3)  
Zona da prighel: Negina  
Plan da quartier: Plan da quartier Caschuarz

**Protestas:**

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 6 d'avrel 2023

Uffeci da baghegiar Disentis/Mustér

---

**Annunzias da baghegiar**

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau ils suandonts projects:

**Nr. 2023-2020.000**

STWEG Parz. 1248, Casa Canorta, Via Acletta 27, 7180 Disentis/Mustér; sanaziun dil tetg, parcella 1248, Via Acletta 27, 7180 Disentis/Mustér.

**Nr. 2023-2021.000**

Lorenz Fuhrer, Eggstrasse 34, 8907 Wettswil; sanaziun energetica dil tetg digl edifeci nr. 223E, parcella 569, Via Run 5, 7180 Disentis/Mustér.

**Nr. 2023-2022.000**

Banca Cantunala Grischuna, Via Lucmagn 8, 7180 Disentis/Mustér; novas storas vid igl edifeci nr. 83, parcella 704, Via Lucmagn 8, 7180 Disentis/Mustér.

**Nr. 2023-2023.000**

Giusep Caduff-Kneidinger, Via Alpettas 3, 7180 Disentis/Mustér; lavurs da manteniment vid il mir da sustegn ed igl access, parcella 1731/1733, Via Alpettas 3, 7180 Disentis/Mustér.

**Nr. 2023-2024.000**

Pascal Stoll, Haldenstrasse 34, 8908 Hedingen; lavurs da manteniment vid clavau nr. 554B, parcella 3564, Caischavedra, 7180 Disentis/Mustér.

**Nr. 2023-3001.000**

Uniun la pendent, c/o Christian Loretz, Via Denterpraus 15, 7186 Segnas; montar ina reclama temporara, parcella 2829, Sontga Gada, 7180 Disentis/Mustér.

**Nr. 2023-3002.000**

Uniun la pendent, c/o Christian Loretz, Via Denterpraus 15, 7186 Segnas; montar ina reclama temporara, parcella 1073, Via Sum Crusch 1, 7183 Mumpé Medel.

Disentis/Mustér, ils 6 d'avrel 2023

Uffeci da baghegiar Disentis/Mustér



---

## Cussegl da vischnaunca

Il cussegl da vischnaunca seraduna **mardis, ils 18 d'avrel 2023**, allas 19.30 en halla Cons.

### Tractandas:

1. Protocol 21-2021/2024
2. Solar Alpin Disentis: Credit per giudicament dil liug (messadi 33-2021/2024)
3. Protocol dil cussegl da vischnaunca: Nova applicaziun davart la redacziun dil protocol
4. Lescha da pumpiers: Revisiun totala e Statuts Pumpiers Sursassiala: Revisiun parziala (messadi 34-2021/2024)
5. Project «la pendent»: Contribuziun finanziaria (messadi 35-2021/2024)
6. Ura da damondas (conform ad art. 44 dil regulativ da fatschentas)

La presidenta dil cussegl da vischnaunca

---

## Administraziun communal

### Temps da spurtegl sur Pastgas

**Gievgia sontga, 6-4-2023, 8.30–11.30**

suentermiezdi serrau

**Venderdis sogn, 7-4-2023, serrau**

**Gliendisdis Pastgas, 10-4-2023, serrau**

Bien engraziament per Vossa capientscha e bialas Pastgas.

Administraziun communal Disentis/Mustér

---

## Lenna da brisch

Damondas per lenna da brisch ein da far **en scret entochen ils 11 d' avrel 2023** agl uffeci forestal dalla vischnaunca da Mustér, Simon Cathomen, Gassa da Cuoz 1, 7180 Disentis/Mustér ni per e-mail; [uaul@disentis.ch](mailto:uaul@disentis.ch). Per plascher indicar il sortiment giavischau ed il quantum. Sin giavisch vegn la lenna era furnida franco a casa. Il formular d'empustaziun sa vegnir cargaus giu silla pagina d'internet sut [www.disentis.ch/uaul](http://www.disentis.ch/uaul)

Lenna sin il tschep vegn mo vendita sche las premissas pertuccont scolaziun minimala da luvrers d'uaul ein garantidas. La cumpra da lenna sin il tschep sto vegnir reglada en in contract da cumpra.

Uffeci forestal Disentis/Mustér.

---



---

## Exposiziun publica da cooperaziun

### Revisiun parziala dalla planisaziun locala «zona da mistregn Marias/Pignola»

En applicaziun digl art. 13 dall'ordinaziun cantunala davart la planisaziun dil territori per il cantun Grischun (OPTGR) ha liug l'exposiziun publica da cooperaziun per ina revisiun parziala dalla planisaziun locala dalla vischnaunca da Disentis/Mustér.

Object:

Revisiun parziala dalla planisaziun locala «Zona da mistregn Marias/Pignola»

Acts d'exposiziun:

- Lescha da baghegiar art. 54b
- Plan da zonas 1:1'000

Annexas:

- Rapport da planisaziun e cooperaziun

Temps da publicaziun: 30 dis naven dils 6 d'avrel entochen ils 8 da matg 2023

Liug e temps da publicaziun: Casa communal (stanza nr. 10), Via Cons 2, 7180 Disentis/Mustér durant lasuras da spurtegl ni online [www.disentis.ch/downloads/exposiziun\\_publica\\_da\\_cooperaziun](http://www.disentis.ch/downloads/exposiziun_publica_da_cooperaziun).

Propostas motivadas per midar ni completar ils mieds da planisaziun ein da far a scret entochen ils 8 da matg 2023 (datum dil bul postal) alla suprastanza communal, Via Cons 2, 7180 Disentis/Mustér.

Disentis/Mustér, ils 6 d'avrel 2023

Suprastanza communal Disentis/Mustér

---

## Meglieraziun generala Disentis/Mustér

### Lavurs da baghegiar 2023

El decuors digl onn 2023 vegnan la secunda part dalla via nr. 12, Via Bovas e la part sura dalla via nr. 28A, Via Sur lert a Clavaniev construidas. Igl access sur la Via Bovas ei durant il temps da baghegiar buca pusseivels. Per vehichels tochen 3.5 tonnas ei in sviament signalisau sur Cavardiras–Chischarolas–Runtget. Per la cultivaziun dil funs pertuccau vegn endrizzau diversas finiastras da temps, durant las qualas igl ei pusseivel da carrar sur la Via Bovas. Las lavurs entscheivan ils 17-4-2023 e cuozan prevedentamein entochen la fin fenadur.

Las lavurs vid la Via lert entscheivan l'entschatta **matg e cuozan medemamein entochen la fin fenadur 2023**.

Per sclariments e coordinaziuns pertuccont igl access sur la Via Bovas stat la survegionza dallas lavurs **ipz ingenieure + planer ag** (081 943 17 22) bugen a disposiziun.

Nus engraziein a tuts pertuccai per la capientscha e pazienza durant il temps da baghegiar.

Cumissiun da meglieraziun Disentis/Mustér

---

## Clom d'urgenza 118

Preziadas vischinas, preziai vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da persunas – savens perquei ch'ils pumpiersvegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz.

Engraziel per Vies sustegn!

Vos Pumpiers Sursassiala



---

## Colonna d'agid Mustér

### Cuors da reiver per affons

#### Camp da reiver per affons dalla Colonna d'agid CAS Mustér 2023

Sco gia dapi biars onns meina la Colonna d'agid Mustér atras dus cuors da reiver per affons denter 9 e 16 onns (annadas 2007–2014). Ils cuors han liug el territori da reiver a Lai Alv (2505 m) a Mustér, sisum dil territori da skis. Survigilai ed instrui da menadras e menaders da Giuventetgna e Sport emprendan ils affons semplamein ed en cuminonza igl ir a cuolm.

- Datum: Dumengia – venderdis  
(1. jamna 16-7. entochen 21-7-2023,  
2. Jamna 23-7. entochen 28-7-2023)
- Program: Introducziun egl alpinissem, ir entuorn cun sugas, reiver els curtgins da reiver, sentiment per grep e contuorn, pintga tura sin in péz, flora alpina, encurir cristallas.
- Material che maunca san ins retscheiver dil cuors.
- Cuosts: frs 290.– per affon (cumprui pensiun compleina, material e surnotg a Lai Alv)

Annunzias ei pusseivel naven dils 4 da zercladur 2023 sut laialv@disentis.ch

## Colonna d'agid Mustér

---

### Rimnada da pupi

#### Venderdis, ils 21-4-2023!

Preziadas convischinas, preziai convischins. La rimnada da pupi digl avrel ha liug sco usitau.

**Adatg!** Ei vegn mo rimnau: gasettas, illustradas, catalogs, cudischs e prospectes stampai. Il pupi sto vegnir deponius sper via (sche pusseivel in di avon)

Igl ei impurtont da ligiar bein il pupi e da buca far memia gronds pacs. Engraziel.

Nus rimnein buca cartun. Quel sa vegnir deponius a Raveras igl entir onn ora e buca duront la rimnada.

Bien engraziament per Vies agid e sustegn!

Nossa Scola populara Mustér, Ch. Berger

---

### Café Zeitlos a Mustér

Cunquei che la proxima sentupada ha gest liug da **Venderdis Sogn, ils 7-4-2023**, croda quella. Aschia che la proxima sentupada ha puspei liug **venderdis, ils 5-5-2023** allas 14.00 ella PUNTREIS.

Bien engraziament per Vossa capientscha e sin in bien seveser.

---



---

## Club da pistola Cadi

**Invitaziun alla radunonza generala venderdis, ils 14-4-2023** allas 20.00 el'ustria stan da sittar a Sars-sut, Disentis/Mustér.

### Tractandas

1. Beinvegni ed appel
2. Elecziun d'in dumbravuschs
3. Approbaziun dil protocol dalla radunonza generala 22-3-2019
4. Rendaquen, rapport dils revisurs ed approbaziun dil quen
5. Rapport dil president
6. Orientaziun da vart dalla comissiun da menaschi
7. Fixar las contribuziuns annualas
8. Programm da lavur
9. Elecziuns
10. Honoraziuns
11. Midadas da statutas e reglaments
12. Orientaziun dallas prescripziuns e menaschi da tir
13. Recepziun da novs commembers; abdicaziuns
14. Varia

Sperein sin buna participaziun.

En num dalla suprastonza Herby

Dis d'exerceci mintgamai las sondas et ils glendisdis naven dallas 18.30

Tuts possesurs da pistolas han la pusseivladat da sittar gl'obligaroti et il tir campester.

Termins campester: 27-5 / 29-5 / 2-6 / 3-6-2023

Obligatori: 10-7 / 12-8 / 28-8-2023

Ulteriuras informaziuns survgnis el stand da tir Sars-Sut

---

## Corporaziun da dretgs d'alp Nalps e Tegia miez

**Radunonza generala gievgia, ils 13-4-2023** allas 20.00 en l'Ustria Cresta Segnas. Suenten la raduonza dat ei in sempel pushegn. Cordialmein envida

la suprastonza

---

## TCS-Regionalgruppe Surselva

**Einladung zur Generalversammlung am Freitag, 14. April 2023, 19.30 Uhr** im Restaurant ARGO Wohnheim Ilanz.

Siehe unter Ilanz!

---

## Invitaziun Seniors-Ca

### Nus senioras/seniors ughegiein in niev pass (mira annunzia!)

**Gievgia, ils 13 d'avrel 2023** allas 13.45 en salla pintga digl anteriur hotel Cucagna el restaurant cun cuschina chinesa. Tema: troccas/jass/giugs. Pusseivladad da gentar allas 12.00 cun menu dil di (3 tratgas) ed 1 caffè per prezi favoreivel. Annunzia pil gentar sa vegnir prida encunter mo **mardis, ils 11 d'avrel 2023** dallas 8.00–17.30 a Puntreis sut 081 929 56 56 cun indicar:

menu 1: plat principal: tagliarins e pulaster

menu 2: plat principal: ris e pulaster dultsch/asch

menu 3: vegi

Team Seniors-Ca



---

## Uniun da dunnas Disentis/Mustér

### Suentermiezdi da Pastgas

Cordialmein envidein nus tut ils affons tochen 4 onns cun mumma, bab e fargliuns ad ina spassegiada per encurir la lieur da pastgas. Silsunter vegn ei aunc offeriu ina pintga marena.

Datum: **Mardis, ils 11 d'avrel 2023**  
Temps: 14.00  
Liug da sentupada Parcadi center da sport Mustér

Per plascher s'annunziar entochen ils 5 d'avrel 2023 tier: Sonja Muscas, 079 681 58 66 ni Sarah Huonder, 079 265 42 92.

Sin Vossa participaziun selegran

Las menadras dil ressort affons

\*\*\*

A caschun dalla davosa radunonza generala ein las sequenta persuna vegnida elegida;

Leslie Flury, Presidenta (reelegida per dus onns)  
Manuela Maissen, Cassiera (reelegida per in onn)

Plinavon ha la radunonza fixau la contribuziun annuala a frs. 20.–. L'unfrenda da sontga Lisabet ei voluntaria. La contribuziun annuala ei da pagar en sin IBAN Nr. CH40 0077 4110 3120 5460 0 cun num e prenum sco remarca.

Cordials salids

La suprastonza  
Leslie, Sandra e Manuela

Im Zusammenhang mit der letzten Generalversammlung der Uniun da dunnas ist die folgende Person gewählt worden:

Leslie Flury, Präsidentin (wiedergewählt für 2 Jahre)  
Manuela Maissen, Kassierin (wiedergewählt für 1 Jahr)

Weiter wurde an der Generalversammlung der Mitgliederbeitrag auf Fr. 20.– fixiert. Die Spende für die Heilige Lisabet ist freiwillig. Der Jahresbeitrag kann auf folgende IBAN Nr. CH40 0077 4110 3120 5460 0 einbezahlt werden. Bitte Name und Vorname als Zahlungsgrund vermerken.

Der Vorstand  
Leslie, Sandra und Manuela

---